

მეხუთე კლასი - ფინალური ტესტის მიმოხილვა

მშობლიური, ქართული ენის ფინალის ტესტი 100 ქულიანია. ტესტში ჯამურად დაგხვდებათ 30 საკითხი (შეკითხვა). ტესტი შედგება 2 ნაწილისაგან:

- ◆ წაკითხული ტექსტის გააზრება (40 ქულა)
- ◆ გრამატიკული და ლექსიკური დავალებები (60 ქულა)

ტესტის ყველა შეკითხვა არჩევითპასუხიანი, დახურული ტიპისაა. თითოეულ შეკითხვას აქვს სამი სავარაუდო პასუხი: ა, ბ ან გ, რომელთაგანაც მოსწავლეს ერთი სწორი პასუხის შერჩევა ევალება.

ნაწილი #1 - წაკითხული ტექსტის გააზრება

ტესტის ამ ნაწილში 10 შეკითხვაა და თითოეული სწორი პასუხი ფასდება 4 ქულით. შესაბამისად, ამ ნაწილის ჯამური ქულაა 40.

აღნიშნული სავარჯიშოს შესრულებისას მოსწავლეს მოუწევს მცირე ზომის, კლასის შესაბამისი ტექსტის წაკითხვა და გააზრება. შეკითხვები შეეხება:

- პერსონაჟების თვისებებს,
- ტექსტში მოცემულ მოვლენებს შორის მიზეზ-შედეგობრივი კავშირების აღმოჩენას,
- ტექსტის მთავარი სათქმელის/იდეის გააზრებას;

მოსწავლეს უნდა შეეძლოს ისეთ შეკითხვებზე პასუხის გაცემა, როგორებიცაა: რითი ჰგვანან პერსონაჟები ერთმანეთს? რატომ წუხს მთავარი გმირი? რატომ მიიღო პერსონაჟმა ასეთი გადაწყვეტილება?

ნაწილი #2 - გრამატიკული და ლექსიკური დავალებები

ტესტის მეორე ნაწილი შეეხება გრამატიკულ და ლექსიკურ საკითხებს. ტესტის ამ ნაწილში 20 დავალებაა და თითოეული სწორი პასუხი ფასდება 3 ქულით, შესაბამისად ამ ნაწილის ჯამური ქულაა 60.

მოსწავლემ უნდა გამოავლინოს ცოდნა სხვადასხვა მიმართულებით. ესენი გახლავთ:

- ნაცვალსახელები,
- გედსართავი სახელები,
- ზმნიზელა,
- რიცხვითი სახელი,
- ზმნა და ზმნის დრო,
- არსებითი სახელი,
- მათთან დაკავშირებული მართლწერის წესები, ბრუნვა,
- მხატვრული ხერხები

ასევე, მოსწავლე უნდა იაზრებდეს კლასის შესაბამის ანდაზებსა და ფრაზეოლოგიზმებს.

საკითხების მაგალითები:

რომელ ბრუნვაშია სიტყვა „კაცნო“?

- ა) სახელობითში
- ბ) მოთხრობითში
- გ) წოდებითში

რომელი მხატვრული ხერხია გამოყენებული წინადადებაში?

„ხავერდით მწვანე ბაღას აბიბინებს სიო“.

- ა) შედარება
- ბ) ეპითეტი
- გ) გაპიროვნება

შეგახსენებთ, ფინალური ტური 4 მაისს ჩატარდება. ფინალთან დაკავშირებული ყველა საჭირო ინფორმაციის ნახვა ამ ბმულზე შესაძლებელია: <https://www.kings.ge/news/1321>

კინგსის გუნდი გისურვებთ წარმატებულ ასპარეზობას!